

**MBLEDHJA E KUVENDIT TË KOSOVËS****Mbajtur më 4.3.2002 në Prishtinë****KRYETARI NEXHAT DACI**

Kolegë të nderuar deputetë, më lejoni të hap vazhdimin e seancës së parë. Në ndërkohë prej takimit të fundit dhe vazhdimin që do ta bëjmë sot, Parlamenti i Kosovës ka humbur një nga deputetët e tij, prandaj, ju ftoj që me një minutë heshtje, të bëjmë nderimin e deputetit të Parlamentit z. Smajl Hajdaraj.

Lavdi,

Prandaj, në vazhdim të seancës të papërfunduar duhet të bëjmë kompletimin e Kryesisë së Parlamentit të Kosovës. Me datën 28 janar 2002 nga udhëheqësi i grupit parlamentar, të grupit të dytë për kah numri i ulëseve në parlament të PDK-së ka ardhur propozimi dhe nominimi i dy anëtarëve për Kryesi të Parlamentit të Kosovës, këta janë z. Xhavit Haliti dhe Hydajet Hyseni,

Të nderuar deputetë të Kuvendit, sipas kornizës Kushtetuese dhe Rregullorës së punës të Kuvendit nga ne kërkohet t'i miratojmë këto emëtime me miratim formal, dmth që unë do të ftoj që me pëlqimin tonë të votojmë për anëtarët e nominuar nga PDK-ja. Ju ftoj të ngrehim dorën, kush është për t'i zgjedhur anëtarë të Kryesisë zotëritë Xhavit Haliti dhe Hydajet Hysenin.

A ka dikush që voton kundër, asnjë votë kundër, ju falemnderit, a ka dikush që abstenon, ju falemnderit,

Prandaj më lejoni që anëtarëve të rinj të Kryesisë së Kuvendit t'ju dëshiroj mirëseardhje dhe urime për punën e tyre të mëtejshme. Dhe me këtë votim është kryer votimi i Kryesisë së Parlamentit të Kosovës me 7 anëtarë. Tani kalojmë në procedimin e mëtejshëm të agjendes së seancës së filluar dhe për këtë, siç e dini, gjatë javëve të kaluara ka qenë një aktivitet i bujshëm dhe përfundimisht shumë i frytshëm për marrëveshjen e arritur. Mirënjohje të veçanta u shkojnë kryetarëve të partive politike që kanë grupet më të mëdha në Parlamentin e Kosovës Z. Ibrahim Rugova, z. Hashim Thaçit dhe z. Ramush Haradinaj, Por të mos e harrojmë, ai që e dha shenjën që do ta mbajmë gjatë në këtë

marrëveshje që bëni shumë mund dhe që ishte shumë dinamik joanues me bindje të thellë të them me të drejtë ishte përfaqësuesi Special i Sekretarit të Përgjithshëm Z. Kofi Anan. Z. Mihajl Shtajner të cilin e ftoj që t'i thotë disa fjalë për marrëveshjen,

**Z. MIXHAEL STEINER**  
**KRYEADMINISTRATOR I KOSOVËS**

Z. Kryetar, të nderuar deputetë të Kuvendit të Kosovës, vërtet jam i lumtur që gjendem sot këtu para jush.

Javën e kaluar pas një varg bisedimesh intenzive, u arrit një marrëveshje për Presidentin dhe Qeverinë e Kosovës, në frymën e kompromisit udhëheqësit tuaj kanë arritur një marrëveshje të shumëpritur, jam i bindur se kjo marrëveshje mund të shërbejë si një themel i një të ardhme më të mirë për Kosovën. Roli im në këtë proces ishte thjeshtë që të shërbej si lehtësues dhe dëshmitar i marrëveshjes, ju tejkaloat bllokadën politike.

Sot është një ditë e rëndësishme në historinë e Kosovës. Sekretari i Përgjithshëm i Kombeve të Bashkuara e ka përshëndetur përzemërsisht marrëveshjen e arritur, Kofi Anan kërkon nga ju që ta shfrytëzoni atë siç duhet dhe ta formoni qeverinë menjëherë.

Ky Kuvend është mbledhur sot për ta vulosur marrëveshjen. Deputetët e Kuvendit e kanë marrëveshjen para vetes, prandaj unë vetëm do t'i përmbledh elementet kyçe. Së pari parimet e përgjithshme, liria e të shprehurit për të gjithë në Kuvend, trajtimi i drejtë dhe i barabartë për të gjithë banorët e Kosovës dhe pajtimi dhe toleranca ndërmjet komuniteteve të ndryshme në Kosovë,

Së dyti, prioritetet e qeverisë, konsolidimi i strukturave demokratike, rritja e efikasitetit të transparencës, përmirësimi i standardeve të shkollimit për të gjithë, rritja e cilësisë së shëndetësisë publike për të gjithë, nxitja e zhvillimit ekonomik, shtimi i vendeve të punës, ofrimi i pensioneve dhe ndihmave sociale të grupeve të rrezikuara dhe integrimi i të gjitha komuniteteve të Kosovës.

Së treti, kompetencat dhe përgjegjësitë, kandidati i caktuar nga LDK-ja Dr. Ibrahim Rugova do të jetë Kryetar i Kosovës, sipas marrëveshjes kandidati i caktuar nga PDK-ja Dr. Bajram Rexhepi do të jetë Kryeministër. Me propozimin e Kryeministrit do të ketë 10 poste ministrore duke e përfshier edhe ministrinë e sapoformuar të Mjedisit të